





秋聲集序

聲於天地間不能無也其大者  
雷霆也風雨也其次通之爲語  
言和之爲律呂下至時禽候蟲  
莫不有聲獨秋或有或無歐陽





子謂聲在樹間猶假物以爲言也莊生所謂天籟在天不在物也夫秋之爲氣也寥聞而清寂冥而虛清與虛相薄或能有聲或能無聲不能必其有無然則

秋聲亦天地間不能無者也余少學唸不能無聲大之不能爲雷霆風雨次之不能爲語言律呂時禽候蟲又有所不屑爲者故託而自附於秋聲焉秋聲可



有可無余言亦可有無故錄之  
以爲秋聲集庶童子能聽之否  
乎秋聲子自叙

秋聲集目錄

第一卷

歌

紅蓮綠幕圖歌

桃花曲

希希子歌

姓揭集有行實

爲延平吳守實齋題張師夔畫西樓酌別

圖

贈何萬里



題辛庸之所藏子昂畫淵明漉酒圖并書  
歸去來辭

貧女吟

胡氏搏虎圖

題墨菊

李將軍歌

直佑客

遠別離

悲秋詞

從軍行

蘭溪夜泊示同遊

黃仲文雲松巢歌

島夷行

莫徭行

負薪行

題新城彭元履賑米卷

分題送黃汝楫

題達可大監遊武夷卷



采薇行

第二卷

五言古體

山中雜詩

道山亭晚憇

贈黃汝楫

李萬戶死事

南田耕舍

暮春

石橋山

謝家山

臘月過里敦田舍

避地椒歷  
三月初九日

三郎山  
初十日

上鵲  
十二日

謝邊  
十二日

南山有幽士

僧別峰所藏鄭子聲竹樹圖



江仲謙恒德堂

王伯原千葉海棠

同御史鄭彥昭登丹臺韻

予作南田耕舍諸公賦者率儼之於老農  
噫人各有志同床而不察世之君子乃  
欲責人之知己不亦難乎因作寫懷二  
首以自解云

畏日

苦熱

謁釣臺

秋日雜興

城南初夏

城西紀事

贈秋厓上人

南田賡倪體中見貽之韻

遠適

山陰夜泊

劉伯熙清溪圖



送高善補化顯中赴秋闈二十韻

投贈鄭守光遠三十韻

送監郡曲出通議公致仕歸維揚一十二

韻

贈奉使宣撫散散二十韻

從張子章假唐書觀畢作此歸之

和吳誠中感興六十韻

第三卷

五言律

春日山行雜興 四首

春雨南田書事 三首

鉛山早行

題三礪鄭氏耕隱所

三華吳宜甫桃谿十詠

本原樓

旦氣軒

半月池

綠玉洲



濯纓泉

白雲塢

釣魚磯

納稼畝

藝麻圃

懷濟舟

登南山蘭若

乘涼

得雨

南山紫雲山居

十首

八月稍告旱時雨沛然

八月

冬夜

苦熱

感事

還家

至節

題朱澤民畫山水



麻姑一宿

學稼

斛蘭三開有懷蔣師文

東陽道中

里墩田家

冬春連雪

社日

寄雷隱上人

春日東行

題秋江把釣圖

遊麻姑山用蔣師文韻

雙溪客館

舟過石門梁安峽

送憲幕陳時中分題得平章河

晚晴書事

三衢夜泊

金原先壟之側湧泉甘潔

西陵渡



明州西渡

會稽南鎮廟

臨川青雲亭

金原營小舍割山中田畀守者

宿富沙水西

雅正卿壻別都魯沙迂憲使歸漢陽

章袁嶺

送危山人歸江西

題定武蘭亭

贈張孟琛

章子漁白雲岵

送詹景仁赴江陵軍民總管

湖廣提舉黃子肅挽詩

二山九日示鐵克剛

虎溪三笑圖

鼓山靈源洞

元正陪宴奉柬黃庭美

和揭希常立春



乙亥閏十二月重改仍至元

谷陳季權貽新曆

辛巳還光邑祖居上井約江少府同到

秋風

舟過大茅洋

補陀島

胡文璧歸池陽就赴潮闈

錢塘

題林處士故居

贈葉山人

贈曾鍊師

歲十有二月庚寅立春丁亥之春也

用韻酬涂啟仁傅鈞永午日聯句兼餉余

酒

昭武圖經載天子岡越王駐獵之地樵木

時得古瓦有羅紋鴈翅之狀堅緻如石

以時考之千數百矣感而賦之

李氏妹夫仲章歸自襄陽



第四卷

七言絕句

富沙道中

谷口

松江欵乃題李復禮松江漁者圖卷

春日行近山

春日程鍊師山房

過福山僧不遇

新城道中

清風逆旅

南田夜雨

遊麻姑偶題

題鄭子聲畫

南田耕舍

題麻姑圖有懷蔣師父

山居春日雜吟

紫雲山

六月久旱連禱輒應

題梅花太極圖



太極無朕

氣化有形

性質合凝

風神全具

含春待放

得月齊開

疎影橫烟

寒枝壓雪

歛華就實

待用調元

早春感興

春夜聽雨有懷

宿武夷

李中明秋山小景

山家四首

題李氏甥彥博所藏枯林蘭石

聞鷄

秦原嶺



和周凌雲秋日光邑山行韻

贈染牋周方大

贈海中所藏顧定之竹

方壺墨竹

憲椽孟伯真

黃月潭

樵陽八詠用陳教和周東圃韻

五曲精廬

萬峰梵剎

石鼓松風

丹臺梅月

北橋春舫

西塔暮鍾

樵嵐秋稼

熙春朝陽

杭川八景

君山霽雪

仙岡暮靄



九峰晴旭

七里春濤

雲岩書燈

月庵鍾鼓

烏洲漁唱

龍灘棹歌

謝子安之江右求葬師

題牛背醉歸圖

雲山小景

題烏江廟

題青錢埧

於越

會稽山

柯亭

霽月

題摘枝海棠

五月調兵赴綏陽

李遵道枯木竹石圖



夜中忽雨

五言絕句

越王臺

放歌臺

西窓晝雨

春竹

看泉

雪舟獨泛

納涼

春竹

老僧翻經

野橋

放棹

雪

夕泛

野望



秋聲集卷之一

元

樵川

黃鎮成元鎮

著

同郡後學何望海若士

較

三山

徐

燭與公

明

綏安

吳伯麟兆聖

編

同郡後學李又白玄玄

歌

紅蓮綠幕圖歌

烏君之山從西來拔地萬仞青崔嵬劃然磅礴



下江滸雲麓隱隱樓臺上有飛蘿罨罨古喬  
木下有滄浪萬頃青如苔紅蓮綽約泛渚淨綠  
幕縹緲臨湖開雲煙捲風島嶼沒窗外洗雨冰  
霜迴高人自是青雲客日向湖亭賞山色昔年  
走馬踏紅塵射殺南山雙白額今日綸巾羽扇  
閑獨面清冷飲冰蘂壺箭收投勝負空綦枰罷  
局梳籌息延陵公子昔稱賢盡手復見今道玄  
有聲之畫宜詩篇爲子作歌將畫傳

桃花崑

小僉山中數塊石上出浮雲幾千尺寒泉飛下  
絕澗響老樹倒掛蒼苔壁巨靈擘斷知何年中  
有古洞藏神仙蓬萊宮闕浩杳靄世外別有壺  
中天巉崑磊砢相緣入雲霧晦冥光景集丹房  
石室淨無塵虎櫻龍拏半空濕山人舊說桃花  
巖山高水絕無由探我來正值岩花發長嘯獨  
倚春風酣同游雅士貪幽趣自斲山雲燒筍具  
兩山流水一川花依稀似是桃源處世上紛紛  
吹戰塵山中道人都不聞欲從君住不可得一



聲孤鶴喚空雲

希芾子歌

姓揭集有行實

希芾子自說平生住盱里長身如鶴在鷄群豐  
頷脩髯兩顴起蒼然神觀九旬餘老眼雖明不  
讀書平生作賦擅今古勇獵陣馬飛天吳海壇  
河上歐冶子聳猿放鶴雲臺圖已上皆賦名驚濤激  
石下衆竇崑嶽礪磊礪相撐扶東方千牘寫未畢  
太白萬言詞愈出海上一官清俸薄老氣如虹  
終不屈歸來至死一瓊寒至今遺墨留人間烏  
雲斷圭殘壁誰能借祇有吟竟招不得

爲延平吳守實齋題張師夔畫西樓酌別

圖

櫟翁平生丘壑徒筆力妙與元造俱延陵公子  
遠相訪爲寫酌別西樓圖近山嵯峨石磊礪遠  
水蕩漾烟模糊垂楊先霜葉盡脫老樹欲雪寒  
梢枯飛樓縹緲出天外下瞰萬頃平流鋪若非  
潯陽浸月之江渚卽是洞庭落木之重湖有美  
人兮涉遠道念王孫兮怨瑤草思臨水兮送將



行更登樓兮慰情抱巍巍上國黃金臺迢迢一曲陽關杯酒酣拔劍更起舞志氣上薄浮雲開人生何用傷離別海岳神交盡豪傑瀕洞風塵不可留千里依然共明月還君此圖歌我詩安得與子同襟期君不見平生鮑叔能知我車笠解有相逢時

贈何萬里

瀧流繞郡山如戟黃茅峒深秋霧黑幽篁蔽空甍鬼嘯絕礮下水沙蟲射生徭持刀跣雙足出入如飛踐荆棘官軍相持不敢殺年年出峒來爲賊何侯挺身論其渠深入不用一卒驅椎牛醢酒拜縣令叱散部伍從降書君不見伏波將軍征五溪瘴雨濕衣歸棹遲又不見令公單騎喪虜魄萬馬不嘶邊月白古來豪士立奇功何侯身老心力雄上尊襲衣拜賜畢歸釣白雲清渭中

題辛庸之所藏子昂畫淵明漉酒圖并書  
歸去來辭



先生歸來三徑荒宅邊五柳森成行野田流水  
春欲莫種秫未斲南山陽苗稀草盛收已薄畢  
歲未可供壺觴前年彭澤纔一稔已具盞勺開  
糟床鄉里小兒不解事使我掉臂歸柴桑偶然  
得米釀爲酒籬下又報秋花黃呼童染指驗孰  
杏甕面盎盎浮雲漿秬將頭上葛巾漉下注瓦  
缶流泉香科頭席地竟一醉白日嘯傲登羲皇  
元嘉甲子不足數陶然醉境真吾鄉栗里先生  
百世士吳興學士遙相望畫圖入妙書更美翰  
墨一代傳文章辛君得之能寶藏我亦長歌歌  
慨慷

貧女吟

貧女娉婷年少時綺窓日日畫蛾眉不羨桃花  
粧笑靨肯隨楊柳鬪腰肢寒機織得雲間素青  
鸞一一啣花度自裁春霧作春袞合香試縷薔  
薇露長憐玉質解傾城誰料貧家嫁不成年去  
年來春色晚花開花落兩無憑時時自理閑粧  
篋尚有翠鞋金奩葉玉織不似舊時粧瑤臺更



度琴三疊祗今老大白頭新如何却說嫁商人  
貧女貞白毋辭貧猶勝東家女兒嫁得不終身

胡氏搏虎圖

北風吹雲沙草黃日落曠野天茫茫征人露宿  
霜月苦猛獸擇肉夜跳梁殺虎全夫匹婦志畫  
圖凜凜猶生氣丈夫儕爵析人圭千載猶能激  
忠義

題墨菊

江南九月秋風涼秋菊采采金衣黃近時丹丘  
出新意却灑淡墨傳秋香青城學士曾題藻散  
落人間共傳寶卷舒造化入毫端回首東籬自  
枯槁東陽傳君心好奇何處得此秋霜枝湖湘  
衲子遠相貺筆勢迥與丹丘齊香英細蹙玄玉  
屑老榦拗斷烏金折不隨粉黛學時粧自與幽  
人同志節淵明已逝屈子沉晚香縱有誰知心  
感君畫圖三歎息爲君長歌楚天碧

李將軍歌

李將軍少年意氣輕浮雲青絲駱馬黃金勒寶



劍錯鏤交龍文十二高樓連廣道千金結客大  
梁門昨日彎弓連白羽射殺南山白額虎歸來  
饗士酒千鍾自向青樓按歌舞前年起兵從義  
旗斬將陷陣身如飛上功幕府久未報有酒不  
樂當何爲

### 直沽客

直沽客作客江南又江北自從兵甲滿中原道  
路艱難來不得今年却趁直沽船黑洋大海波  
連天順風半月到閩海只與七州通賣買嗚呼  
江南江北不可通只有海船來海中海中多風  
多賊徒未知來年來得無

### 遠別離

遠別離百里奚西戎已伯君當歸人生莫忘貧  
賤知至今令人思屢屢  
遠別離秋胡妻五年不見容顏非學成無患富  
貴遲吾寧採桑待君歸

### 悲秋詞

長嘆復長嘆芙蓉落盡秋水寒庭前百花枯爛



死遊子日暮衣裳單白日悠悠歲將晏江南水  
深波浪散鴻鴈不來江水長零落秋雲滿江畔  
願天吹作凌天風吹開白霧清暘紅願天化作  
炎天雨物物昭蘇感天語

### 從軍行

秋風漠漠寒雲低隴頭野鴈隨雲飛北方健兒  
長南土學得南語相嚶呶羽書昨夜到行府下  
令急點如星馳明日橫刀出門去回頭不得顧  
妻兒山城止舍休十日百姓餽給無饒疲路上  
逢人寄書歸道好將息無相思重闌夜度月落  
早五嶺冬戍天寒遲買羊擊豕且爲樂破賊歸  
去知何時

### 蘭溪夜泊示同遊

昨日一帆風力輕一日已過三日程今朝一船  
江月明萬里一色秋空青江清月白烟相照宇  
宙澗瀆無纖塵君不見采石江頭李太白醉着  
錦袍天地窄騎鯨飛上九天去世上紅顏污不  
得又不見赤壁磯上蘇坡仙扣舷歌罷心迢然



洞簫聲斷碧雲散千載尚有遺音傳此夕何夕  
見此月水色天光共奇絕古人已逝不可留長  
嘯一聲山石裂臨高望遠誰能從清景已復隨  
飄風推蓬欲起爲君舞忽有白鶴來江東

黃仲文雲松巢歌

君不見謫仙翁揮斥八極如游龍東行搏桑過  
若木隘視人世不可容九江日上見五老攬身  
祗欲巢雲松雲松之巢出天表九點齊州蟻封  
小醉翻江水挹天瓢仰視浮雲沒孤鳥騎鯨一  
去天地空玄圃三山白雲繞誰似黃家公子賢  
放情飄簫懷謫仙有詩萬卷比秋月有酒百斛  
如流泉名豈利聒不到耳綺窓阿閣浮輕烟結  
巢亦與雲松伴自拂天風凌汗漫句裏哦成碧  
水秋毫端貌得瀟湘岫長松落落雲冥冥歲晏  
懷君霜霰零流脂入地應千歲寄我春山煮茯苓

島夷行

島夷山沒如飛隼右手持刀左持盾大舶輕輓



海上行華人未見心先墮千金重募來殺賊賊  
退心驕酬不得爾財吾橐婦吾家省命防城誰  
敢責

莫徭行

莫徭射生蠻峒谷窄袴短衣雙赤足前年應募  
作官軍惡少如雲學裝束千村一過如蝗落婦  
滿軍中金滿橐豸冠擊碎且勿嗔鄰寇不虞吾  
所託

負薪行

田家臘月上山時赤腳負薪雨中歸身無夾褐  
頭無笠寒風颯颯吹濕衣簷牙滴瀝聲不斷天  
地黯慘逢歲晏自從十載正月吉雨雪陰霾少  
晴且亂離竄匿饑寒死工宰有無惟浩歎身強  
衆勇能殺戮白玉爲牀金作屋宣麻誥勅天不  
恤一命不霑寒士族雨師汝靈胡不仁元日人  
日乃有神赤土槁苗遁何所天威人虐民獨苦  
題新城彭元履賑米卷

君不見東門冠蓋如流水武斷稱雄跨州里又



不見北里笙竽聲沸空千金結客五陵東董家  
豈無儲粟塢盧家亦有多田翁京坻倚疊誇紅  
腐一粒何曾到魚釜謾令饑客長饒涎寂寂朱  
門鎖烟樹何如盱水彭徵君發粟盡活饒年民  
相逢相語無德色况受朝省酬官勲陰隲冥冥  
天福善八十童顏身更健只今生子又生孫舉  
義除殘保鄉縣彭家世世名義敦食報定似于  
公門須留鐵壁障江表河潤不隔閩山雲

分題送黃汝楫

冉冉孤生竹生在崑崙之嶰谷直節離離出地  
深寒梢蔚蔚參天綠竹高不受霜雪侵君願同  
保歲寒心竹管可作簫韶聲願君吹作鳳凰鳴  
致時雍九奏方知孤竹功

題達可大監遊武夷卷

吾生有癖惟愛山夢魂長在溪山間秘書示我  
武夷卷已似着屐窮躋攀武夷三十六峰碧烟  
雲出沒秋孱顏丹崖翠壁千萬狀靈花異草何  
斑斑上有七層鬱羅級下有九曲滄浪灣仙人



騎鶴互來往但聞雜佩聲珊珊紫陽夫子昔曾  
住傲脫鑿破浮雲關權歌一曲天宇濶至今遺  
響在人寰桃花流出前溪去石門不揜春風閒  
平林山色自無恙我欲與子聽潺湲

采薇行

陟彼西山言采其薇清晨荷鋤去日晚束擔歸  
登山不厭高山下薇苗稀斲土不厭深土淺根  
不肥不辭登高斲深土但念妻兒常苦饑赤日  
行天燥上熱流汗被體沾裳衣家家搗根相杵  
聲相聞經旬不粒食杵重筋力微汲泉澄粉作  
餌薄菜色已覺顏容非嗟哉田家百苦無休時  
野人見之心益悲達官貴客不到此日醉華筵  
知不知



秋聲集卷之一終

秋聲集卷之二

元

樵川

黃鎮成元鎮

著

同郡後學何望海若士較

丘有成若損

明

杉易

陳九疇洪仲

編

綏安

李紹表治裔

五言古體

山中雜詩

山中春日長芳林翠如織  
放意得散步  
裴徊度



阡陌相逢耦耕人藉草成太息雨歇清池深雲  
收暮山碧野蔬聊撥拾共此謀朝夕故人天一  
方悵望那能卽長歌發中情且以慰疇昔  
梁肉致五和不如蔬味真浮文謹邊幅不如野  
情親春水日以深春木日以新流禽在高枝和  
鳴樂暄辰使我坐終日悵然思遠人欲行車無  
輪欲涉舟無津但有金石心憑寄江南春

衡山亭晚懃

平池雨初晴日暮春水深殘露墮空濶規月光  
已沉驚波躍潛魚過影窺翔禽菱荷綠參差嘉  
木懸清陰但起垂綸想遠生江海心小大固有  
殊放歌無古今

贈黃汝楫

吾邦文獻邦江夏實著姓自從唐葉來忠孝溢  
郡乘天朝躋仕版先後相輝映亢宗入省卽孝  
友根至性乘時起書佐弱冠師法令驍騮丰骨  
奇鷗鷺羽毛勁歷塊雲路濶搏風海天迥五羊  
城郭深八桂雲山勝歸來陟藩閫晨夕奉溫清



薇垣開省署咫尺郎星應乘遽入鄉國長吏各  
郊迎旣勤松楸省亦展桑梓敬親朋慰所望尊  
酒更相慶祝子踐華級勉子崇德行他年互敷  
歷一一樹佳政江空島石出霜落天宇淨驅馳  
迫使事水驛舟可榜去去三神山相望發孤詠  
獨有歲寒花殷勤爲君贈

李萬戶死事

李侯將家子英姿仍妙年慷慨赴出師悲風動  
戈韃結束辭親去義重不顧恩鉦鼙動天地列  
校在轅門悠悠渡劔水慘慘煙塵昏白日橫殺  
氣黃茅吹瘴氛行府檄書來色動沮三軍一死  
忠孝備捐身何足論清流山下水哀歌弔忠魂  
恤典旂一方颯爽應有聞

南田耕舍

離離南山田采采南山綠茲晨涼風發秋氣已  
可掬美人平生親零落在空谷顏色不可見何  
由踵高躅我耕南山田我結南山屋下山交桑  
麻上山友麋鹿還肯過隣家隣家酒應熟



暮春

風雨不出門人事頗周浹高齋誦金文虛畫了  
白業登樓聊四望新翠滿林葉江南春欲暮日  
月如轉睫青山猶故人浮世墮灰劫誰能凌汗  
漫長使幽意愜

石橋山

散榮南山下逶迤登石橋五涉曲澗水兩山鬱  
岩堯寅緣度絕壁攀蘿俯山椒懸瀑瀉層崖冰  
華垂空飄盤紆上石磴天梯颭回颭厠足得平  
地聳身凌丹霄入谷烟霞深松竹聲蕭蕭會當  
發天秘剪此荆榛條結屋棲白雲覽矚千峰遙  
土決旣宜耕山深仍可樵因之習天游已足遠  
世囂悠然萬物表我隱誰能招

謝家山

結廬在南田已辭城郭謹山水未幽深擬謀泉  
石間野父導我行同登謝家山緣溪入深窈絕  
磴窮躋攀憑虛橫鳥道高回白雲關下瞰飛瀑  
流倚杖聽潺湲良疇忽衍曠陽坡冬不寒盤旋



得幽谷外密仍中寬松根有茯苓竹本易成竿  
願與同心人築茅棲烟巒去市十里許塵坌無  
能干食力中無慙傲然身世安

臘月過里敦田舍

天高北風寒日薄歲云暮衰年畏奔走乃復在  
途路山村投寓舍所歷遇親故其言違別久相  
問未知處茲晨喪亂中詎意忽謹聚留客坐西  
窓呼兒忙治具家釀熟未芻舊醅鄰所助筍蕨  
雜梅蓀火豆連蔬茹慚愧齒牙疎杯盤宜我恕  
鷄肥割黃膏苦勸頻下箸雜坐同几席誰能嗔  
禮數翁年當自寬鄙野得真趣所願息兵甲田  
里無征賦借屋傍流泉從子山中住

避地椒歷

三月初九日

鄰家急相報且往椒歷山登陟如猿猴合沓同  
躋攀遠近火烟起指點望城間椒歷不可住迫  
晚登孱顏夜宿草樹中露下山氣寒

三郎山

初十日

曉度三郎山雲深逕盤濕斜迤下陽坡人牛競



來集汲泉吹野火煮飯分餘汁扶難感梨杖欹  
倒僅能及行行不可望危峰倚天立

上鵲

十二日

一家巢上鵲俯瞰萬級田扶携數百人夜宿荒  
山巔正晝雷電飛驟雨奔流泉月黑石磴滑歸  
路相攀緣後至且勿迫小立聽潺湲

謝邊

十二日

衝雨來謝邊滑路霑泥塗舊鄰忽相見留我宿  
山居然薪燎我衣取酒慰我劬雖有骨肉親各  
在天一隅感子勞苦意焉能念崎嶇

南山有幽士

南山有幽士白首在林壑平生好音樂頗識律  
呂情截竹作高音吹作鸞鳳聲不逢師曠識但  
有農人聽農人何所別聽罷心冥冥但道是好  
音強聒不少停此士厭爲煩幾欲逃其形安得  
似農人飽食心無營

僧別峰所藏鄭子聲竹樹圖

空谷有佳人連蹇歲年暮清顏不可見香墨在



繞素江山澹微茫起我滄洲趣白石隱疎篁秋  
霜懸老樹天高鴻鴈稀水落沙觜露上人心迹  
空對此了言句亦欲擢孤蓬雲深不知處

江仲謙恒德堂

江君世令族家在君山陽君山四千仞上有白  
玉床雲氣出陰壑靈苗產陽岡仙人時往來石  
室留禁方江君往得之歸爲恒德堂九轉空青  
砂沃以神樓湯散入刀圭七冬炎夏清涼天闕  
一以全吾心乃夷康四海患痿痺齊民生瘡瘡  
國醫敢束手忍視全膏肓大山多靈藥食之可  
年長安得往從君吹笙任葯房

王伯原千葉海棠

幽亭背喧郭嘉植標海棠穠姿曉露靚緜艷晴  
暉光三萼布層蕤一株殊衆芳瀟洒坐中人留  
連花下觴高歌送白日起舞炫紅粧持以贈佳  
賞聊報五雲章

同御史鄭彥昭登丹臺韻

晨登鍊丹臺雲磴互盤曲五月居高明曠遠窮



望日雨洗炎塵淨涼風動梧竹遙峰明晚翠近  
瀨漱寒玉聯鑣得驄騎杖策偶馳逐詩留紙上  
雲酒散樽中綠坐久獨歸遲鳴騶出空谷

予作南田耕舍諸公賦者率儼之於老農  
噫人各有志同床而不察世之君子乃  
欲責人之知已不亦難乎因作寫懷二

首以自解云

白日不停馭頽波竟東馳忽忽年歲改念此將  
安歸我欲驅車行太行路嶮巖我欲駕方舟滄  
海無津涯豈不顧行邁出門慎所之有田南山  
下可以供盛粢有廬在中田可以譚詩書上探  
羲皇際下及商周時賢聖尚淪落微生何足疑  
懷哉羨門子千載以爲期

種田南山下土薄良苗稀穉耜日以長荼蓼塞  
中畦路逢荷篠人相顧徒嗟咨我欲芟其蕪但  
念筋力微終焉鮮嘉穀何以奉年饒誰令惡草  
根亦蒙雨露滋豈無力耕人悠悠興我思

畏日



畏日不肯沒秋暑過於夏孱軀敞炎熇感疾未能痊金錢買藥裹寢暑不遑暇每懷逃林泉無地安茅舍南山在絕頂佛屋古松下流水挾雙澗清飈拂崇榭我欲徃從之僧榻仍可借俯觀塵世中揮手一高謝

苦熱

苦熱中夜起仰視天沉沉衆星失光耀雲霧生晦陰豐隆亦憑凌霹靂聞迅音欲雨竟不成徒受苦熱侵人事不可問天意誠難諶安得金鸞來悠然清我心

謁釣臺

桐江兩石臺屹立萬仞高昔日羊裘翁長緝釣秋濤雅志不在魚白首蹲江臯誰知九重尊乃是舊同袍故態不可除林泉終遁逃睨彼軒冕榮乾坤一鴻毛泊舟滄江側捷步追猿猱下窺流水清仰睇風雲豪崇祠庇林麓千載猶焄蒿懷哉古人風江流日滔滔

秋日雜興



去年植芳樹花落隨飄風今年復花發一一盈  
庭紅我生固云晚不覲古哲容後此更千古來  
者應無窮亭亭道傍屋蔚蔚生蒿蓬名蹟不可  
見誰知雌與雄蹈道悔不早委形天地中

閑登屋西樓望見青山多誰家築新阡山下高  
嗟峨不知新阡後喬木生蒿蘿白日不返照滄  
海無回波仰首見飛鴈噉噉鳴且和人生苦無  
歡爾鳴將奈何

陰雲垂四方炎謝氣將凜忽聽秋霖聲中宵警  
孤枕所憂在田稼耿耿不能寢昨日出南郊喜  
見秔稻稔芄芄冒蹊遂趨穫得高廩庶供科役  
餘足以勞炊飪

秋園風露高叢菊有丹白丹者挺尋丈枝葉紛  
以碧結花小如錢何以荅春澤白花大盈圍心  
葉窘虫食卑棲衆草中根幹纒咫尺芳烈固不  
衰終焉鮮顏色低昂不相慕觀者徒太息

何樂不飲酒不飲持空杯空杯不可醉奈此悲  
秋懷躊躇望南山天氣亦已佳有客請我歌抱



琴爲君彈一彈清商發再鼓浮雲開孤鶴感此  
意起前舞毳毼但恐古音多不與君調諧

城南初夏

樓居愛初夏暄涼適中時忻忻衆木榮敷陰暎  
前池新竹日已高荒苔亦云滋好鳥時關關和  
鳴戀深枝南山如有情相對如相期紛紛一藩  
外日夕車輪馳良時有再至古人寧可追登高  
愧授簡掩卷慚言詩聊用逐時作詎當十載垂

城西紀事

今日稍清適獨出城西村感時經喪亂風物異  
郊原林摧見平陸寺破留頽垣高亭化莽墟華  
屋成蔬園徘徊在中路偶聽農老言新苗未入  
土苗草日已蕃丁男赴徵調期今集轅門况乃  
乏牛力苦辛難具論我聞增慘愴無策拯元元  
身老不能耕焉敢俛盤飧

贈秋厓上人

開士黃金剎齋房白雲外尋師天台山貝葉寫  
經與凌晨殮正陽玉屑和沈澗飛錫到城市刀



圭起沉痾逃名師伯休隱顯謝流輩有時棲石  
室冥坐真空界行藥度幽澗秋雲濕霞佩我欲  
往從之高蹈塵宇隘他年嵩少間揮塵一投芥  
南田賡倪體中見貽之韻

中田有耕舍乃在南山陽啟戶見流水雲烟鬱  
相望夙昔江海心中年甘退藏躬耕聊寓情學  
道未迷方過游隣里間藹藹粉榆鄉倪君妙篇  
什時同賦草堂山林各沉困風雅俱淪亡慷慨  
但懷古迂濶空談王平生屠龍術匣劍收光芒  
濟世得良醫不如君枝長救渾用寸膠誰能振  
頽綱青山自秋色籬菊亦有芳隣家酒可貰白  
稻吹新香陶然任天真高歌成報章

遠適

吉日有遠適我行志四方西馳窮河源東望臨  
扶桑南通火維外北達冰窰傍勿謂天地濶勿  
謂歲月長駑馬積十駕千里追飛黃大鵬發天  
池搏風起翺翔誰能守阜壘不復馳康莊誰能  
歛羽翮但學捨榆枋大道甚平夷誰謂阻關梁



寄言遠適者日進不可量

山陰夜泊

暮辭越城東舟子夜挽絳洳澮如同間旁午不  
流溢憑風絲鷁涼過堠奔馬疾解柁湖中央須  
臾月東出是時新雨過微靄散祥禱金盤初爛  
熳水鏡乍溶滴火齊投冰壺蠙珠耀蛟室羽翰  
疑已生埃壒盡相失狂歌不能寐自謂仙可必  
舟子正鼾眠見慣何足述

劉伯熙清溪圖

甦脫塵鞅繫結此清溪居偶從農圃隣時讀種  
樹書聽瀑掃松石眠雲依草廬韜琴自無絃直  
鉤不在魚未知兮壤間寵辱當何如

送高善補化顯中赴秋闈二十韻

聖世恢文治賢科擢雋材風雲連地起日月麗  
天開右武宗磐衍同文國本培羽儀生鳳穴神  
駿出龍媒况子年華盛由今學力該溯流通渤  
澥摘藻逼昭回世閱開中夏帥垣集上台山河  
金誓託柱石鼎臣陪鼻祖擅猶累難兄錦自裁



露濃花作縣風遠柏爲臺勸駕當三歲馳書動  
九垓浙江雲洶湧閩嶠月崔嵬絕漢留攀桂清  
秋送踏槐翼翻閩海雨鱗躍禹門雷畫省文章  
雅丹墀禮樂剴學期先後造名擬冠倫魁玉樹  
榮諸謝斑衣慶老萊天津環列宿雲路絕織埃  
逸氣餘篇翰高情寄酒杯旗鈴探喜報應待捷  
書催

投贈鄭守光遠三十韻

累洽開皇極分藩重守臣列茅周土舊分竹漢  
符新師帥能宣化儀形最近民隼旟張日月雌  
閣麗星辰地紀逾荒服天光照遠人選材歸德  
器分命聳朝紳一代文章伯群心怙恃親祖風  
光藹藹家學早振振聽履曾馳譽工書固絕倫  
九苞騰鸞鷲千里驟騏驎仗引陪供奉官聯屬  
選掄河源通柝水星象擁勾陳暫輟中朝紱來  
紆外府輪土風連太末山節聳全閩佐秉臨漳  
浦寨帷入劍津近河能借潤依燭鮮光鄰化雨  
蘇民望祥風洗瘴塵袴襦歌已浹刀劍俗咸悛



出郭惟樵郡封鄰接海瀕地偏田少沃土狹戶  
多貧捐瘠僿瘥并流亡寇役頰震凌思大厦枯  
枿後洪鈞幸借循良牧咸依撫字仁晝長簾似  
水更靜月如銀赤社分南服清都拱北辰報看  
三月政和覩萬家春少日探經笥頽年愧席玆  
雨畦仍把耒風艇自收緡喜見瘳民瘼無由傳  
吏循祗須成德化濡筆頌堅珉

送監郡曲出通議公致仕歸維揚一十二

韻

近郡稱良牧如公實罕倫處家原儉朴施政本  
寬仁不擾心如水平無私化若神鎮浮安屬吏持  
重協同寅憶昨虞汀寇煩公撫邵民孤城存保  
鄣列壁靜風塵課最逾三載生靈煦一春村村  
田悉墾戶戶粟皆陳大府方交剡高情自乞身  
攀轅徒擁霸遮道莫留恂淮海通諸夏溪山望  
七閩作詩無溢美端不愧風人

贈奉使宣撫散散二十韻

寶曆承千祀輿圖冠百王際天開日月率土效



梯航累洽規模遠重華法度彰建官周典禮熙  
績帝文章總總繁生聚茫茫闢土疆枯芟虞阻  
澤部屋慮遺光宸闕憂方軫宵衣寢未遑疇咨  
人傑用直指使華將曠典臨軒重淵衷布詔詳  
閭闔遐可邇冠蓋蔚相望秋氣騰鷹隼朝陽集  
鳳凰渡江搖嶽影壓境重星芒蠡澤魚龍窟閩  
山水石鄉德音昭兩道威譽聳殊方人瘼先扶  
拯官流盡激揚煦和深雨露推斷肅冰霜財力  
東南竭饒瘥十九亡繭絲期重惜琴瑟後更張  
伏謁慚袞欄陳詩忝泮瑣愿聳歸奏日竹帛永  
垂芳

從張子章假唐書觀畢作此歸之

瀟灑張公子清脩名不虛時尋山水趣日與聖  
賢居亂世不學武散金惟貯書琴樽長日外燈  
火早秋初孝友光門闕才賢拔里閭壽親環絲  
服佳客曳華裾蓄畫俱名品娛賓始一舒藏文  
尤善本尚友待三餘鄴軸誠多子唐編不恡予  
轉頭忘記誦寓目送居諸假久情知厚還遲計



恐疎星垂天祿校雲繞道山儲整帙矜全璧馳  
函愧報瑤經籙傳善慶應觀化龍魚

和吳誠中感興六十韻

十載嬰離亂三靈紊紀綱長雄尊武斷氛稜晦  
文昌赤子還思漢皇天只眷商未能書痛哭誰  
合傳循良邊鄙時猶聳污萊歲亦荒餐芝憐綺  
季採藥羨稽康寂寞山林路紛紛聲利場舉杯  
浮月影拔劍動星芒溝壘連堅壁樵蘇遠餽糧  
蓋藏空里巷儲待盡倉箱不獲安吾園何由靖

彼疆感時懷櫟社辟地得榆鄉千里淹騏驥高  
岡集鳳凰圃芳飛蛺蝶波暖浴鴛鴦歲久家山  
近春深草木香故人情獨厚老子興尤長瀨釣  
狂如故盤居樂不殃開扉延竹逕展席陰茅堂  
庚甲相先後交游半在亡忘形諧笑謔好客謹  
迎將桃李門墻暖風雲水石涼悲歌增慷慨遠  
引迫倉惶戍壘何曾撤田家亦可傷幾時韜甲  
胄何日返耕桑涉世艱嘗備儉安願少償斷雲  
新迸筍鋤水欲抽秧俯仰心猶壯登臨力尚彊



鶯鳴晨喚友蜂起午朝王露藥丹砂滴風篁翠  
葆張稻香收野碓酒熟出鄰墻步履穿林塢扶  
筇度石梁雪晴山劣削煙晚樹蒼茫志可林泉  
遂情難畎畝忘巢居違猛鷲陸處避懷襄淚盡  
萊公竹歌沉召伯棠薰征思馬葛增秩想龔黃  
狐逐令先虎狼因用牧羊關河連灌莽郊甸厭  
糟糠欵段蹄新鑿驂騑首獨昂十藏矜鼠腊千  
仞覆蠅氓上將專鉄鉞遺黎蹈火湯同袍能避  
逅散策幸徜徉田里無愁嘆鄉鄰不吊喪探幽

尋絕谷窮睇陟崇岡適野何煩騎臨流詎假航  
綈袍安綺縠糲食飫膏粱玉糝調羹法松花釀  
酒方紵溪仙館集幙石帝庭光野蔌羅瓊饌山  
花麗靚粧星壇逢薊子雲洞入劉郎地僻觀松  
鶴天清遠虎狼絳霞勻醉臉清露漱吟膈自擬  
襟期素那知髣髴髮蒼有尊開北海無語問東方  
聖主勤延訪山農覺散狂集飛從渤澥清濁辨  
行藏連姻共村落結屋傍林塘石平多可坐承  
美總宜嘗榮名謝伊呂笑傲學羲皇微軀寄



宙行樂谷清章

秋聲集卷之二終





